




ԱՆԻՐԱՆԻՆ Ս. ՊԱՏԱՐԱԳ ԵՎ ԱՌԱՋԻՆ ՔԱՐՈՉ

Վեհափառ Հայրապետի բարեհաճ կարգադրությամբ, Մայր Աթոռի նորապսակ Ս. Թորգոմ, Ս. Ասողիկ և Ս. Շնորհք աբեղաները, որոնք Ս. Էջմիածնի վանական խաղաղ մըթնոլորտում անցկացրել էին իրենց կանոնական քառասունքը «պահօք, աղօթիք և եկեղեցական վարժիցն սերտողությամբ», սույն թվականի փետրվար ամսին, Սուրբ Էջմիածնի Մայր տաճարում, Ավագ խորանի վրա մատուցեցին իրենց անդրանիկ ուխտի պատարագը և խոսեցին իրենց առաջին քարոզը:

Ս. Թորգոմ աբեղան իր անդրանիկ ս. պատարագը մատուցեց փետրվարի 4-ին և «Հայր մեր»-ից առաջ քարոզեց «Հայրատունկ այգույն հրեղեն պարիսպը և բարձր աշտարակ,

ոսկեղեն բաժակը և ժիր մատռուակ. Հայաստանեայց հայր հոգևոր Բարթողիմէոս և Թադէոս...» բնաբանով:

Ս. Ասողիկ աբեղան իր անդրանիկ ս. պատարագը մատուցեց փետրվարի 11-ին և «Հայր մեր»-ից առաջ քարոզեց «Եւ եղիցին գործք արդարութեան խաղաղությամբ, և կալցի արդարութիւն պիանգիստ, և յուսացեալքն եղիցին մինչև յափտեան» բնաբանով:

Ս. Շնորհք աբեղան իր անդրանիկ ս. պատարագը մատուցեց փետրվարի 18-ին և «Հայր մեր»-ից առաջ քարոզեց «Յանձն առեր զչարչարանս վասն Նոյեան տապանին, ի հրեշտակէն ընկալար զփայտ փրկութեան աշխարհի» բնաբանով:

Ս. ԹՈՐԳՈՄ ԱԲԵՂԱ ԽԱՐԱՋՅԱՆԻ ՔԱՐՈՉԸ

«Հայրատունկ այգույն հրեղեն պարիսպը և բարձր աշտարակ, ոսկեղեն բաժակը և ժիր մատռուակ. Հայաստանեայց հայր հոգևոր Բարթողիմէոս և Թադէոս...» (Շրկ. էջ 78):

Սիրելի հավատացյալ ժողովուրդ, մեր պատմահայր և շարականագիր Մովսէս Խորենացու գրած վերոհիշյալ տողերը վերաբերում են Ս. Թադէոս և Ս. Բարթողիմէոս առաքյալներին, որոնց անվան հետ սերտ կապ ու

նի Հայաստան աշխարհի լուսավորության պատմությունը:

Երեկ Հայաստանյայց Եկեղեցին կատարեց նրանց տոնախմբությունը: Նրանք Քրիստոսի անխոնջ աշակերտներից էին, որոնք մեր Տիրոջ՝ Հիսուս Քրիստոսի համբարձումից հետո հաջորդաբար եկան Հայաստան և հանդիսացան Քրիստոնեական վարդապետության առաջին քարոզիչներն ու հաստատողները: Նրանց կողմից է, որ ցանվեցին քրիստոնեության առաջին սերմերը Հայաստանում, նրանք է, որ Ավետարանի լույսն ու ճշմար-

տությունները տարածեցին հեթանոսական խավարով պատված մարդկանց հոգիների մեջ: Հիսուս Քրիստոսի և նրա առաքյալների միակ նպատակն էր մարդկանց միտքն ու հոգին տարրապաշտությունից և սնտիապաշտությունից ողողել դեպի Ամենաբարձրը՝ յայն ու դեպի հավիտենականը:

Ըստ հայկական ավանդության, Ս. Թադեոս և Ս. Բարթողիմեոս առաքյալները նահատակվեցին Հայաստանում: Իսկ նրանց առաքելությունը շարունակեցին իրենց իսկ հետևորդները: Սուրբ առաքյալների և նրանց հետևորդների թափված արյունով էլ հաստատվեցին Հայ Եկեղեցու հիմքերը՝ «Արին մարտիրոսաց հիմն Եկեղեցու»:

Առաքյալների գերեզմանները գտնվում են սլաոմական Հայաստանի տարածքում: Ս. Թադեոսի գերեզմանի վրա կանգնեցված է Ս. Թադեի հայտնի վանքը՝ Արտաշ գավառում, իսկ Ս. Բարթողիմեոսի գերեզմանի վրա՝ Նշանավոր Ս. Բարթողիմեոս մայրավանքը՝ Աղբակ գավառում:

Հայոց Եկեղեցին, սիրելի ժողովուրդ, ըստ իր նախնական և հաստատուն ավանդության, իր սկզբնական հիմնադիրներն է ճառագում Ս. Թադեոս և Ս. Բարթողիմեոս առաքյալներին և նրանց անվանում Հայաստանի առաջին Լուսավորիչներ: «Առաքելության կնիքը, որը Հայոց Եկեղեցին միշտ յուրացրել է, և որ միշտ պաշտոնական գրությունների մեջ համարձակորեն հռչակել է, մի կողմից հաստատում է նրա սկզբնական և նախնական ծագումը, և մյուս կողմից հավաստում է նրա ողողակի ինքնությունը սկզբնավորությունը, առանց ուրիշ հնագույն եկեղեցու գործակցության»՝ գրում է մեր ժամանակների հայ եկեղեցական պատմության մեծագույն գիտնականներից՝ ամենապատիվ Մաղաքիա Օրմանյան պատրիարքը իր «Հայոց Եկեղեցին» գրքում («Հայոց Եկեղեցին», 1952 թ., էջ 4):

Քրիստոնեությունը Հայաստան մուտք գործելու առաջին երեք դարերի ընթացքում հայ կառավարչական թագավորների հալածանքների առաձառով զաղտնի էր պահվում երկրի ծածուկ անկյուններում: Հայ Եկեղեցին չունեի կանոնավոր կազմակերպություն, սակայն, հակառակ դրան, նա բարոյական միջոցներով իր սուրբ նպատակին դիմելով՝ օրըստօրե ստվարացավ և տարածվելով արմատներ արձակեց:

Ս. Թադեոս և Ս. Բարթողիմեոս առաքյալները իրենց քարոզչությունների շրջանում ունեցան շատ հետևորդներ: Աստիճանաբար Հայաստանում ստեղծվեցին քրիստոնեական համայնքներ, և այդ համայնքներն էլ քրիստոնավանդ առաքելությունը առաջ տարան ընդ-

հուպ մինչև 301 թվականը, երբ առաջին Հայրապետի՝ մեր երանելի Ս. Գրիգոր Լուսավորչի և Տրդատ 3-րդ Արշակունի թագավորի ջանքերի շնորհիվ վերընձյուղվեցին Ս. Թադեոս և Ս. Բարթողիմեոս առաքյալների ցանած սերմերը, և քրիստոնեությունը Հայաստանում հռչակվեց որպես աշխարհում առաջին պետական կրոն:

Սիրելի հավատացյալներ, Քրիստոսի լույսը Հայաստան բերեց հոգու և մտքի լուսավորություն, այն բացեց խավար ծալքերը հայ մտքերի, այն թևեր տվեց՝ պանալու դեպի գիտության ոլորտները: Քրիստոսի լույսով պայծառացած Սուրբ Մեսրոպի հանձարը հրաշագործեց հայոց անմահ այբուբենը, Քրիստոսի լույսով գոտեպնդված՝ հայ մարտիկը իջավ Տղմուտի ափը՝ «Վասն Յիսուսի և վասն Հայրենեաց»: Քրիստոսի լույսով էր դարձյալ, որ Լուսավորիչ առաջին Հայրապետի տեսիլքի մեջ որվագծվեց այս սուրբ տաճարը, «Լուսոյ Խորան» Մայր Աթոռ Ս. Էջմիածինը՝ փարոսը հայության հոգևոր լուսավորության:

Սիրելի եղբայրներ և քույրեր, եղել են ժամանակներ, երբ Հայաստանը բազմիցս զրկվել է իր քաղաքական կյանքի ղեկավարությունից: Մեր ժողովրդի անցյալի գրեթե ողջ պատմությունը մինչև դարիս սկիզբը ներկայանում է իբրև մի կատարյալ անընդմեջ նահատակություն:

Բայց այսօր Հայ Եկեղեցին վայելում է խաղաղ օրեր, ունի գործելու լայն հնարավորություններ: Նրա հոգևոր դասը, իր գլուխն ունենալով աստվածընտիր և հայրենասեր Ամենայն Հայոց Հայրապետ Վազգեն Ա-ին, շարունակում է մեր երանաշնորհ հայրապետների ազգաշեն ու եկեղեցանվեր սուրբ գործը:

Եվ ես՝ համեստ նպասավորս Հայ Առաքելական Սուրբ Եկեղեցու, այսօր իմ քահանայական անդրանիկ ուխտի պատարագն եմ մատուցում միաձնաեջ այս սուրբ տաճարում: Ավելի քան տասը տարիներ ես սնվեցի, աճեցի և դաստիարակվեցի Ս. Էջմիածնի հոգեպարար մթնոլորտում, որի համար անհունորեն երախտապարտ եմ նախ իմ հոգևոր ծնողին՝ Ամենայն Հայոց Ս. Ս. Վազգեն Ա Կաթողիկոսին՝ հավաստիացնելով Նրան հավատարիմ մնալ իմ սուրբ կոչմանը՝ «բանի և գործով»: Իմ երախտագիտությունն եմ հայտնում նաև բոլոր այն ազնիվ հոգիներին, որոնք անցած տարիների ընթացքում նպաստեցին իմ հոգևոր ու մտավոր դաստիարակության գործին:

Եկեք, սիրելի եղբայրներ և քույրեր, մեր եղգեբուխ աղոթքներն առաքենք առ բարձրյալն Աստված, որ նա կայուն ու հարատև

խաղաղություն պարզևի մեր ալեկոծ մոլորակի բոլոր ծագերին: Թող Աստված միշտ անսասան ու անշարժ պահի մեր հավատքի խարիսխը հանդիսացող միաժանեջ այս սուրբ տաճարը, Ամենայն Հայոց Հայրապետական Աթոռը ու նրա արժանընտիր Գահակալին՝ Ս. Տ. Վազգեն Ա առաքելաշավիղ Հայրապետին պարզևի քաջառողջություն և արևշա-

տություն, որպեսպի Նա կարողանա շարունակել իր եկեղեցաշեն ու ալգանվեր գործերը՝ ի մխիթարություն հայ հավատացյալ ժողովրդի և ի փառս մեր սիրելի Հայաստան աշխարհի:

«Թագաւոր երկնաւոր, Վեկեղեցի քո անշարժ պահեա. և Վերկրպագոս անուանող քում պահեա ի խաղաղութեան»: Ամեն:

Տ. ԱՍՈՂԻԿ ԱԲԵՂԱ ԱՐԻՍՏԱԿԵՍՅԱՆԻ ՔԱՐՈԶԸ

«Եւ եղիցին գործք արդարութեան խաղաղութեամբ, եւ կալցի արդարութիւն զհանգիստ, եւ յուսացեալքն եղիցին մինչեւ յալիտեան» (Եսայի ԼԲ 17):

Աստուծո ռդորմությամբ և Վեհափառ Հայրապետի կարգադրությամբ, ձեռամբ Տ. Ներսէս եպիսկոպոսի, շուրջ քառասուն օրեր առաջ այս խնկյալ տաճարի սրբապան կամարների տակ իմ հոգևոր երկու եղբայրների հետ միասին ստացա քահանայական օծում: Ընդունելով Քրիստոսի ծանր և քաղցր լուծը՝ լծվեցի մի վեհ գործի, այն է՝ անմնացորդ կերպով ծառայել հայ ժողովրդին, Հայ Եկեղեցուն: Եթե մարմին առած Փրկիչը քարույզ Հրեաստանում, ապա մի ոգեղինիկ տեսիլքի համաձայն՝ Միածինը իջավ այս քաղցրիկ դաշտը, բիրիակյան լեռան ստորոտին (որի վրա մի ժամանակ իր հանգիստն էր գտել Նոյան տապանը) և հիմնեց իր Եկեղեցին: Ահավասիկ այս սրբապան տաճարը, որտեղ սպժմ խմբված էք դուք, ներկայացնում է Հիսուս Քրիստոսի իջման վայրը: Այն օրվանից, երբ մեռ սուրբ Հայրապետ Գրիգոր Լուսավորիչը հայ ազգը մկրտեց Քրիստոսի խաղաղության լույսով, մեր ժողովուրդը հավատարիմ մնաց մինչև այսօր նրա պատվիրանին: Քրիստոսի Ավետարանին ծառայելու եկան բազում սերունդներ: Մենք ևս կամեցանք լրացնել այդ շարքը: Մենք պատրաստ ենք ծառայելու մեր ազգին, որ դարեր շարունակ երազել է խաղաղություն և ապահովություն: Մեր անդրանիկ ուխտի պատարագի առիթով, հարմար նկատեցինք ձեզ հետ միասին, սիրելի հավատացյալներ, խաղաղության ձայնը հնչեցնել ի կողմանս բարության և հապահովություն ամենեցուն:

Քաղաքական այսօրվա հեղինեղուկ, ալեկոծ վիճակը աննախընթաց, եզակի երևույթ է: Պատմության ընթացքում մարդկությունը նման տագնապալի և վտանգավոր պահեր հաճախ է ապրել: Մարդկության առաջավոր մտածողներն ու առողջ բանականություն ունեցող ողջախոհ մարդիկ միշտ էլ քարույզ են, որ երջանիկ կյանքի ապահովության գլխավոր երաջխիքը խաղաղությունն է:

Մեզանից շուրջ երկու հազար և ավելի տարիներ առաջ, երբ Հրեաստանի պատմության թատերաբեմում հայտնվեցին մարգարեները, քաղաքական իմաստով աշխարհը խառնակ վիճակի մեջ էր: Նրանք սկսեցին իրենց խաղաղարար և արդարադատ պատգամները սփռել: Այդ մարգարեների դասին էր պատկանում նաև Եսային, որն իր ժամանակի նշանավոր դեմքերից էր: Նա խաղաղության գործը այսպես էր պատկերացնում. «Եվ արդարության գործը կլինի խաղաղություն...»: Իր և բոլոր ժամանակների համար արտահայտված մի ճշմարիտ մտածում է սա: Այո՛, միայն ու միայն արդարության գործը կարող է լինել խաղաղություն: Խաղաղության մասին տիեզերամիտի այս մարգարեությունը ուղղված է հանուր մարդկությանը, ի կողմանս բարության և հապահովություն ամենեցուն:

Խաղաղության պատգամներ մարդկության պատմության բոլոր շրջաններում էլ դողանջել են:

Մարգարեն պատգամել է. «Եւ եղիցին գործք արդարութեան խաղաղութեամբ...»:

Հրեշտակները երգել են. «...Եւ յերկիր խաղաղութիւն, ի մարդիկ հաճութիւն...»:

Տերը ավետարանել է. «Խաղաղութիւն ընդ ձեզ...»:

Եսայի մարգարեն արտաբերելով խաղաղության պատգամը՝ իր ժողովրդին գիտակցել էր տալիս, որ հոգեկան և ֆիզիկական հանգստություն կարելի է ձեռք բերել միայն արդարությամբ, որովհետև «արդարության գործը կլինի խաղաղություն...», և խաղաղության արդյունքը՝ հանգիստ ու ապահովություն:

Այսօր նույն մտածումն է հաճախում մեզ՝ քաններորդ դարի այս վերջին քառորդին, երբ պատերազմի փոթորիկը ամեն վայրկյան պատրաստ է պայթելու: Սակայն վիատության և հուսահատության ամենամռայլ պահերին մարգարեի կայծակնացնող պատգամը ամպրոպի նման թրատում է մեր հոգեկան երկինքը և ամպրոպից հետո կապույտի մեջ ծիածանագույն գրվում է. «Արդարության գործը կլինի խաղաղություն...»: Այնժամ մեր հոգին խաղաղվում է, թոթափում ենք

մեկնից ճնշիչ մթնոլորտը, լցվում ենք հավատով և ձայնակցելով հրեշտակներին՝ երգում ենք. «Փառք ի բարձունս Աստուծոյ և լերկի խաղաղութիւն, ի մարդիկ հաճութիւն»:

Մեծ է մարգարեի պատգամը: Եվ այդ պատգամը խաղաղությունն է: Չէ՛ որ խաղաղության մեջ են հոգիները ցնծում և բերրում, հավատքն սկսում է բողբոջել ու ծաղկել: Խաղաղության մեջ է, որ մարդիկ սկսում են միմյանց սիրել: Արդարության գործը կլինի խաղաղություն, իսկ բարության գործը՝ արդարություն: Պողոս առաքյալը գրում է. «Ամեն բան փորձեցեք, բարին ամուր բըռնեցեք» (Ա Թես. Ե 21):

Ի՞նչն է մեզ ստիպում այսօր վկայակոչելու մեծ մարգարեի վեհ պատգամներից մեկը. ժամանակը, այսօրվա տագնապալի իրավիճակը, իր նախօրինակը չունեցող սպառաչիությունների մրցավազքն ու գաղափարական անհասկացողությունները: Հիշենք պատմությունից, որ մարդկության առաջին գյուտերից մեկը պենքի գյուտն է եղել, իսկ առաջին տեսությունը՝ խաղաղությունը, երանելի ու ցանկալի խաղաղությունը: Մեր երկրագունդը ավելի պատերազմներ է տեսել, քան խաղաղություն: Այսօր հանուր մարդկության երապանքն այն է, որ մի օր պատգամել է նույն մեծ մարգարեն. «Եւ ձուլեսցեն պտուտերս իւրեանց ի խոփս, եւ պտուինս իւրեանց ի մանգաղս, եւ ոչ առնուցու ապգ յապգի վերայ սուր, եւ ոչ ես ուսանիցեն տալ պատերազմ» (Ես Բ 4):

Խաղաղություն ցանկացող մարդկության առջև մեկ խնդիր է դրված՝ կատարել Մարգարեի պատվիրանը:

Մեր հոգեւոյս և շնորհապարզ հայրապետները ամբարն խորն են գիտակցել խաղաղության դերը հավատացյալ մարդու կյանքում, որ մեր եկեղեցական ծեսի մեջ մեծ տեղ են հատկացրել այդ գաղափարին: Խաղաղության աղոթքներով ու պատգամներով, երգելով ու քարոյներով են ջերմացրել նրանք հավատացյալների հոգիները:

Ահա թե ինչ մաղթանք է արվում Արևազայի ժամերգության մեջ. «Տէր, ուղղեալ գեւացս մեր ի ճանապարհս խաղաղութեան»:

Քրիստոնեությունը ամենից շատ խաղա-

ղության վարդապետություն է, այդ վկայեցին հրեշտակները Փրկչի ծննդյան օրը, այդ հաստատեց Փրկիչը լերան բարձունքից խոսած իր քարոզում, այդ է վկայում Փրկչի հաստատած խաղաղության եկեղեցին:

«Երանի խաղաղարարաց...»:

Բյուր երանի խաղաղարարաց, որոնք լսում են խաղաղության ձայնը, որովհետև՝ «Խաղաղութեան ձայն հնչեցաւ»:

Խաղաղության Իշխանը երկնային լուսաձեւ բարձունքներից իջեցրեց իր հայրական պատգամը և աղաղակեց ի լուր մարդկության. «Խաղաղութիւն ամենեցուն...»:

Պատերազմի պոհասեղանին պոհ են մատուցվում մարդկային բոլոր սրբությունները: Պատերազմը ընկերային կյանքի աններդաշնակությունների հանրագումարն է:

Խաղաղությունը այն աղն է, որ համեմուն է ողջ մարդկության կյանքը, կերտում նրա նկարագիրն ու բարոյականը: Իսկ որ մեր Տերը իր ձայնը լսելի դարձրեց ողջ մարդկության՝ «Խաղաղութիւն պիմ տամ ձեզ», իր արյան հեղմամբ, իր քաղաքար հաշտության պատարագով, որպեսզի խաղաղության մեջ պտղաբեր դառնար մարդկային երջանկությունը:

Հայ ժողովուրդը, որպես պատարագվող պոհ, պատմության ընթացքում միշտ էլ իր բավմաչաքար հոգու աղերսանքն է ուղղել Բարձրային. «Տուր աշխարհիս խաղաղութիւն»: Այդ են ցանկանում աշխարհի բոլոր ժողովուրդները, մանավանդ հայ ժողովուրդը, որն իր գոյության ողջ ընթացքում երապել է միմիայն խաղաղություն և երբեք չի պատերազմել: Եթե պատերազմել է, ապա Տղմուտի ավին՝ Ավարայրում «վասն Հիսուսի և վասն հայրենեաց», եթե պատերազմել է, ապա Սարդարապատում «վասն իր փրկության»:

Սիրելի հավատացյալներ, կյանքում չկա ավելի վեհ գաղափար, քան խաղաղության գաղափարը, չէ՛ որ խաղաղության մեջ միտցն կարելի է գտնել հանգիստ ու ապահովություն:

Եկեք միասին աղոթենք առ Աստված վասն խաղաղության և անվտանգության համայն աշխարհի: Ամեն:

Տ. ԾՆՈՐՀՔ ԱՐԵՂԱ ԲԱՂԴԱՍԱՐՅԱՆԻ ՔԱՐՈԶԸ

«Յանձն առեր պարչարանս վասն Նոյեան տապանին,
Ի հրեշտակէն ընկալար պիայտ փրկութեան աշխարհի»
(Շարական, էջ 410):

Սիրելի հավատացյալներ,
Եթե դուք հետևում եք Հայաստանյայց Եկեղեցու ծիսակատարություններին, ապա գիտեք, որ անցնող պահոց շաբաթը կոչվում է Ս. Հակոբ Մծբնու Հայրապետի անվամբ՝ «Բարեկենդան Ս. Յակովբայ պահոց»:

Ձեզ հավանաբար ծանոթ է Ս. Հակոբ Հայրապետի անունը: Ս. Հակոբ Սքանչելագործ Հայրապետը (Սքանչելագործ է կոչվում, որովհետև բազմաթիվ հրաշքներ է գործել) Հայ Եկեղեցու կողմից ընդունված ամենահեղինակավոր ընդհանրական սրբերից մեկն է: Նա Դ դարի անձնավորություն է:

Ս. Հակոբ Մծբնա Հայրապետը ծնվել է ասորական Մծբին քաղաքում, ունի պարթևական ծագում և ըստ հայկական «Ճառընտիր» ժողովածուների՝ հայոց Ս. Գրիգոր Լուսավորիչ կաթողիկոսի քրոջ որդին է: Մանկության և երիտապարդության տարիները անցկացրել է ուսումնառությամբ՝ ժամանակին մեծ հռչակ վայելած Մարութ ճգնավորի հոգեվոր դաստիարակության ներքո: Այնուհետև քաջվել է անապատ՝ նվիրվելով աղոթքի, խոկումի և ճգնողական կյանքի: «Յայսմաւորք» ժողովածուներում կարդում ենք, որ Ս. Հակոբ Հայրապետը իր ողջ կյանքի ընթացքում բնավ չի ձաջակել եփված հրեակնոր, երբեք չի նստել գրաստի կամ փոխադրական որևէ այլ միջոցի վրա, այլ իր անձը վարժեցրել է դժվարությունների և առաքինի վարքով ստացել երկնային շնորհներ:

320 թվականին Ս. Հակոբը ձեռնադրվել է Մծբինի եպիսկոպոս: Որպես ժամանակի հեղինակավոր անձնավորություններից մեկը, մասնակցել է Նիկիո առաջին տիեզերական ժողովին և արիտական աղանդը բուռն կերպով դատապարտողներից մեկն է եղել: Նրա վայելած մեծ հռչակի մասին է վկայում Բյուզանդիայի Կոստանդիանոս կայսեր հետևյալ խոսքը. «Երեք այոներ կան երկնքի և երկրի միջև. Աստուծո՛ւ՝ Եգիպտոսի մեջ, Սեղբեստրոսը՝ մեզ մոտ, և Ս. Հակոբը՝ Մծբինի մեջ»:

Սիրելի հավատացյալներ, Ս. Հակոբին վերագրվում են բազմաթիվ հրաշագործություններ: Պատմվում է, որ նրա կենսաբար աղոթքներից նույնիսկ մեռյալներն են հարություն առել: Բայց Ս. Հակոբ Սքանչելագործ Հայրապետը առավել սիրելի է մեզ՝ հայերիս, ոչ միայն նրա համար, որ ընդհանրական Եկեղեցու նշանավոր հայրերից է, ոչ միայն նրա համար, որ բազում հրաշագործություններ է կատարել, և վերջապես ոչ միայն նրա համար, որ Ս. Գրիգոր Լուսավորչի քրոջ որդին է, այլ նրա անձը հատկապես սիրելի է մեր ժողովրդին իր կյանքի հետ կապված հետաքրքրական մի դրվագի պատճառով:

Դուք գիտեք, սիրելի հավատացյալներ, որ երբ տեղի ունեցավ համաշխարհային մեծ ջրհեղեղը, ինչպես կարդում ենք Աստվածաշնչի Ճենոթոգ գրքում, Նոյ Նահապետը, որ միակ արդար մարդն էր աշխարհի երեսին, Աստուծո հանձնարարությամբ մի հսկա նավ պատրաստեց իր ընտանիքի համար, և երբ

ջուրը պատում էր ողջ երկրագունդը, Նոյի տապանը կանգ առավ Արարատի գագաթին:

Արարատ լեռը փաստորեն հանդիսանում է աշխարհի մայրը, քանի որ նրանով է, որ մարդկությունը փրկվում է վերջնական բնաջնջումից և այնուհետև նորից շարունակում է բազմանալ:

Ըստ ավանդության՝ Ս. Հակոբ Հայրապետը ցանկանում է բարձրանալ այդ քիբլիական սրբապան լեռը և նրա գագաթից իջեցնել Նոյան տապանի մի փոքրիկ մասունք:

Հակառակ իր անկոտորում կամքին, Ս. Հակոբ Հայրապետը չի կարողանում բարձրանալ մինչև Արարատի գագաթը, դժվար վերելքից հոգնած՝ նիրհում է կես ճանապարհին: Եվ ահա Աստուծո հրամանով հրեշտակը Նոյան տապանից պոկում է մի մասունք և հանձնում Ս. Հակոբին: Շարականագիր Ս. Ներսես Շնորհալին էլ հետևյալ տողերով է երափակում Ս. Հակոբ Մծբնա Հայրապետին ձոնած իր շարականը, որը և դարձրել ենք մեր քարույի բնաբանը.

«Յանձն առեր զչարչարանս վասն Նոյեան տապանին,
Ի հրեշտակէն ընկալար զփայտ փրկութեան աշխարհի»:

Նոյան տապանի հիշյալ մասունքն է ահա, որ ցուցադրվում է Մայր Աթոռ Ս. Էջմիածնի թանգարանում և Հայ Եկեղեցու ամենանվիրական սրբություններից մեկն է անկասկած:

Այո, Արարատը, որ աշխարհի մայրն է, որ ողջ մարդկության սեփականությունն է, ավելին է մեզ՝ հայերիս համար: Արարատը, որ մեր ժողովրդի գոյության խորհրդանիշն է, որ մարմնացյալ կերպարն է մեր ժողովրդի անկոտորում հզու, հիրավի, սուրբ լեռ է, և սուրբ է նրա հետ կապված ամեն մի հիշատակ: Ահա թե ինչու ավելի քան մեկ և կես հազարամյակ հայ ժողովուրդը որպես սրբություն պահել է Նոյան տապանի մասունքը, ահա թե ինչու Հայաստանյայց Եկեղեցին ամեն տարի տոնում է Ս. Հակոբի հիշատակը:

Արարատը մեր ինքնությունն է, մեր էությունը, որովհետև ամեն մի հայ այն կրում է իր հոգու մեջ, որովհետև այն պարզաբար է արյուն-ավերմունքներից հարություն առած մեր ժողովրդի նորաստեղծ Հանրապետության արևավառ գերբը, որովհետև ամեն մի հայ, երբ իր տխուր հայացքն է նետում այդ սպիտակաթույր լեռան արևաշող բարձունքներին, մի պահ հիշում է իր ժողովրդի անցյալն ու դժբախտ ճակատագիրը:

Սիրելի հավատացյալներ, մեր ժողովրդի համար կա նաև մեկ ուրիշ, ոչ պակաս նվիրական ու կենսատու խորհրդանիշ, քան

Արարատն է: Դա մի հաստատություն է, որ նույնպես գտնվում է յուրաքանչյուր հայի հոգու մեջ, որ տեսանելի է աշխարհի բոլոր այն ծագերից, որտեղ թեկուզ և մեկ բաբախող հայի սիրտ կա, մի հաստատություն, որ իր խնկաբույր պատերի մեջ խտացրել է մեր ողջ անցյալը, որ հանդիսանում է անքակտելի կապը Մայր Հայրենիքի և ողջ Սփյուռքի, հզոր կռիվներ մեր ինքնության և գոյատևման: Այդ հաստատությունը Մայր Աթոռ Ս. Էջմիածինն է, այդ հաստատությունը այս եվրոպական տաճարն է, որտեղ գտնվում էր դուք այժմ: Իսկ գիտե՞ք, որ այս տաճարի կառուցումը դարձյալ կապված է Արարատ լեռան հետ: Ազաթանգեղոսի Պատմության գրքում գրված է, որ Հայոց Տրդատ թագավորը, որ հայտնի էր իր ահռելի, գերմարդկային ուժով, քրիստոնեությունը պետական կրոն ընդունելուց հետո բարձրանում է Մասիսի գագաթը, այնտեղից պոկում է հսկա ժայռաքեկորներ և բերում տաճարի կառուցման վայրը: Այդ քարերն են, որ դառնում են հիմքերը այս սուրբ տաճարի, որի միաձուլված խորանից մատուցում են իմ անդրանիկ՝ պատարագը, և ձեր առջև, սիրելի հավատացյալներ, այս քրիստոսահիմն Ս. Խորանի առջև, մեր լուսաբնակ նախնայաց հիշատակի և Հայաստանյայց Եկեղեցու սպասավորների առջև՝ ի գլուխ ունենալով ազգիս Հայրապետ Վազգեն Ա Սրբապնագույն Կաթողիկոսը, նաև՝ Արարատի և նրա գագաթը բարձրացած Ս.

Հակոբի հիշատակի առջև ոխառում են լինել եվրոպա սպասավորը Հայաստանյայց Առաքելական Ս. Եկեղեցու, ազնիվ պալակը Մայր Հայրենիքի և մեր ժողովրդի:

Այժմ ես հույսումով եմ հիշում այն պահը, երբ 40 և ավելի օրեր առաջ իմ երկու հոգեվոր եղբայրների հետ ստացա քահանայական ձեռնադրություն և օծում՝ ձեռամբ Ս. Ներսես եպս. Պոպապայանի: Այս առթիվ ցանկանում եմ շնորհակալություն հայտնել Ամենայն Հայոց Կաթողիկոս Ս. Տ. Վազգեն Առաջինին, որ արժանի գտավ իմ նվաստ անձը քահանայական կոչման: Ցանկանում եմ շնորհակալություն հայտնել Ս. Ներսես եպս. Պոպապայանին, որ իր հայրական աջով և սուրբ մյուռնով մեկ նոր՝ հոգևոր ծնունդ է կյանք պարգևեց: Ընորհակալություն նաև բոլոր նրանց, ովքեր տարիների ընթացքում նպաստեցին մեր ուսումնառության և հասունացման գործին:

Հիրավի, ի՞նչ կա ավելի վեհ, ի՞նչ կա ավելի գեղեցիկ, քան անձը նվիրել Հայաստանյայց Առաքելական Ս. Եկեղեցուն, Ս. Էջմիածնին, որը մեր հոգևոր մայրն է, մեր էությունը և հոգու անբաժանելի մասնիկը, ինչպես Արարատը: Միայն թե այդ նվիրումը լինի անկեղծ:

Վեհափառ Տեր, «Ընորհեա ինձ քահանայական փառօք մտանել ի պաշտօն սրբութեանց քոց ընդ այնոսիկ՝ որք անմեղութեամբ պահեցին պատուիրանս քո»:

